



Broj:01/7-50-1-45/2/07

Sarajevo, 30.01.2007.

## Z A P I S N I K

### sa 2. sjednice Komisija za pripremu izbora Vijeća ministara BiH

Sjednica je održana 30.01.2007. godine sa početkom u 13,00 sati.

Sjednici su prisustvovali članovi Komisije: **Rifat Dolić, Hadži Jovan Mitrović, Branko Dokić, Sefer Halilović, Vinko Zorić, Mirko Okolić, Zlatko Lagumdžija, Lazar Prodanović, Azra Alajbegović i Halid Genjac.**

Članovi Komisije **Jerko Ivanković Lijanović i Dragan Vrankić** su najavili odsustvo zbog ranije preuzetih obaveza. Jerko Ivanković Lijanović Molitvenog doručka u SAD, a Dragan Vrankić zbog sjednice Upravnog odbora Uprave za indirektno oporezivanje.

Pored članova komisije sjednici su prisustvovali: u ime OHR-a Maja Ribar; u ime OSCE-a Nina Šandrak i Nataša Šakota.

Sjednici je prisustvovao Milan Zjajić, koji je obavljao poslove sekretara Komisije i Alma Tajić zaposlena u Sekretarijatu PS BiH.

Sjednica je završena u 14,45 sati.

Nakon kraće rasprave u kojoj je pored predsjedavajućeg učestvovao Zlatko Lagumdžija, Komisija je jednoglasno prihvatila u pozivu predloženi, sljedeći:

## D N E V N I R E D :

1. Verifikacija Zapisnika sa Prve sjednice održane 11.01.2007. godine;
2. Razmatranje i usvajanje Poslovnika o radu Komisije za pripremu izbora Vijeća ministara BiH;
3. Dogovor – pripreme za sjednicu na kojoj će se razmatrati podobnost i davati mišljenja – preporuke za potvrđivanje ministara i zamjenika ministara u Savjetu ministra BiH;
4. Tekuća pitanja.

### Ad. 1. Verificiranje Zapisnika sa Prve sjednice održane 11.01.2007. godine;

U raspravi su učestvovali Rifat Dolić, Zlatko Lagumdžija i predsjedavajući.

Rifat Dolić je zamjerio što nije evidentirana bar jedno od njegova tri javljanja za riječ na sjednici. Istakao je da razumije sve poteškoće zbog toga što sjednica nije snimana, ali da to treba ispraviti.

Zlatko Lagumdžija je istakao kako je neophodno osigurati da se sjednice Komisije snimaju i na taj način izbjegnu svi nesporazumi i nedoumice. Naveo je kako bi bilo neophodno u Zapisniku evidentirati – navesti imena i razloge onih koji su glasali protiv, jer zapisnik ostaje kao trajni dokument, svjedog dešavanja i nije isključeno da će neko nekada pisati magistarski rad ili doktorsku disertaciju baš na ovu temu. Nastavio je da u tom smislu treba ispraviti na jednom mjestu pogrešno navedeno ime člana Komisije Sefer, a ne Safet Halilović.

Predsjedavajući Genjac je rekao kako Poslovnik koji se treba razmatrati pod tačkom 2. ima odredbu o obaveznom snimanju sjednica Komisije i da lično prihvata prezentovane primjedbe, ističući da je po njemu iz rasprave proizlazilo da svi koji su glasali protivim će imati priliku da na sjednici Doma to lično obrazlože. Predložio je da se primjedbe ugrade u tekst Zapisnika i za sljedeću sjednicu odgodi verifikacija. Ovakav prijedlog je jednoglasno prihvaćen.

### Ad. 2. Razmatranje i usvajanje Poslovnika o radu Komisije za pripremu izbora Vijeća ministara BiH;

Na početku rasprave po ovoj tački dnevnog reda predsjedavajući je uz izvunjene zamolio članove Komisije da se rasprava vodi po tekstu Prijedloga poslovnika koji je podijeljen na početku sjednice jer je on u značajnoj mjeri prerađen prijedlog koji su dobili uz poziv za sjednicu ističući da je na tom tekstu radio do kasno u noć i da je uvažio savremenu evropsku praksu i pozitivna iskustva SAD.

Prvi se za riječ javio Zlatko Lagumdžija ističući da je već spremio platformu koja se kritički odnosi na pristup javnosti, tajnost podataka i proceduru saslušanja. Mirko Okolić je predložio da se ide uporednom analizom, a predsjedavajući je istakao da će se ići od člana do člana i u slučaju potrebe dati pauza kako bi se neka pitanja dodatno analizirala i proučila, a da su baš najveće promjene u odnosu na raniji prijedlog u reguliranju javnosti rada i tajnosti podataka.

Zatim se pristupilo detaljnoj raspravi i analizi od jednog do drugog člana Poslovnika. U raspravi su učestvovali svi članovi Komisije. Većina se više puta javljala za riječ. Na kraju je tekst u usmenoj raspravi usaglašen, ali je konačno usvajanje odgođeno za početak naredne sjednice dok se ne sačini konačni pisani tekst.

Branko Dokić je ukazao na mogući problem ukoliko bude predloženo više od dvije trećine ministara iz Federacije BiH. Predsjedavajući je istakao da Komisija provjerava pojedinačnu podobnost, a na kolektivnu, ali da misli i da tu neće biti problema, jer je ministara sigurnosti iz Republike Srpske.

### **Ad. 3. Dogovor – pripreme za sjednicu na kojoj će se razmatrati podobnost i davati mišljenja – preporuke za potvrđivanje ministara i zamjenika ministara u Vijeću ministra BiH;**

Radi planiranja drugih aktivnosti predsjedavajući je upoznao članove Komisije sa najizvjesnijim tokom dešavanja u vezi sa predstojećim aktivnostima. Istakao je da ima najavu da će do petka 02.02.2007. g. SIPA i Centralna izborna komisija BiH završiti proces provjere i dotaviti izvještaje na odgovarajućim obrascima. Istakao je da planira isti dan zakazati sjednicu Komisije za utorak i srijedu 6. i 7. februara, a da bi se eventualno sjednica Predstavničkog doma mogla održati u petak 9.02.2007. godine. Zbog efikasnosti, istakao je, da očekuje da se materijali dostave putem kurira ili DHL-om. Na predloženi tajming nije bilo primjedbi i predsjedavajući je na kraju rekao da očekuje efikasan, uspješan rad i prisustvo svih članova Komisije.

### **Ad. 4. Tekuća pitanja.**

Kako nije bilo drugih pitanja predsjedavajući je u 14,45 sati zaključio sjednicu.

SEKRETAR KOMISIJE  
**Milan Zjajić**

PREDSJEDAVAJUĆI KOMISIJE  
**Halid Genjac**